

〔明〕周圣楷 编纂
〔清〕邓显鹤 增辑

楚宝

二

湖湘文库编辑出版委员会 岳麓书社

[明]周圣楷 编纂
[清]邓显鹤 增辑

楚宝



湖湘文库编辑出版委员会
岳麓书社



湖湘文库

甲编

K928.62

2793

图书在版编目(CIP)数据

楚宝/(明)周圣楷编纂;(清)邓显鹤增辑.—长沙:

岳麓书社,2008

ISBN 978-7-80665-997-7

I.楚… II.①周…②邓… III.历史地理—研究—

湖南省—古代 IV.K928.62

中国版本图书馆 CIP 数据核字(2008)第 119091 号



湖湘文库

湖湘文库编辑出版委员会

楚宝(上、下)

编 纂 [明]周圣楷

增 辑 [清]邓显鹤

责任编辑 曾德明

整体设计 郭天民

出版发行 岳麓书社

地 址 湖南省长沙市爱民路 47 号

电 话 0731—8885616(邮购)

邮 编 410006

网 址 www.yueluhistory.com

印 刷 湖南新华印刷集团有限责任公司

装 订 湖南新华印刷集团有限责任公司

版 次 2008 年 8 月第 1 版第 1 次印刷

开 本 960mm×640mm 1/16

印 张 60.75

字 数 708 千字

书 号 ISBN978-7-80665-997-7/G·649

定 价 138.00 元

ISBN 978-7-80665-997-7



9 787806 659977 >

湖湘文库
PDG

楚寶目錄

上冊

康序	一
重刻序	三
校刊楚寶序	七
例言	八
總目錄	一〇
原序	一二
總論	一四
原校姓氏	一六
大臣論次目錄	一七
卷一・大臣	一九
考異	三六
卷二・大臣	四一
考異	六〇
卷三・大臣	六二
考異	七九

增輯	九四
名臣論次目錄	一〇六
卷四・名臣	一〇七
考異	一二三
增輯	一二五
卷五・名臣	一二七
考異	一三九
增輯	一四〇
卷六・名臣	一四四
考異	一六一
增輯	一六七
大將論次目錄	一九五
卷七・大將	一九六
考異	二一三
卷八・大將	二一六
考異	二三四
增輯	二三五

名將論次目錄 二五三

卷九·名將 二五四

考異 二六九

增輯 二七一

卷十·名將 二七五

考異 二八七

增輯 二八九

知謀論次目錄 二九九

卷十一·知謀 三〇〇

考異 三一三

增輯 三一五

卷十二·知謀 三二一

考異 三三五

諫諍論次目錄 三三八

卷十三·諫諍 三三九

考異 三四九

增輯 三五〇

卷十四·諫諍 三五二

增輯 三六四

文苑論次目錄 三七三

卷十五·文苑 三七五

考異 三九一

增輯 三九一

卷十六·文苑 三九九

考異 四一〇

增輯 四一一

卷十七·文苑 四一二

考異 四二七

增輯 四三〇

卷十八·文苑 四三四

考異 四四七

增輯 四四九

下册

卷十九·良史 四六五

考異 四七六

增輯 四七七

卷二十·命使 四八〇

考異 四九〇

增輯 四九一

典故論次目錄 四九二

卷二十一·典故 四九二

考異	五〇三
增輯	五〇三
真儒論次目錄	五〇五
卷二十二・真儒	五〇六
考異	五〇六
增輯	五〇六
卷二十三・諸子	五二一
考異	五二九
增輯	五三〇
卷二十四・孝友	五三一
考異	五四二
增輯	五四二
忠義論次目錄	五五五
卷二十五・忠義	五五七
考異	五六九
增輯	五七〇
卷二十六・忠義	五七一
考異	五八六
增輯	五八七
獨行論次目錄	六〇六
卷二十七・獨行	六〇七

考異	六一六
增輯	六一八
真隱論次目錄	六二五
卷二十八・真隱	六二六
考異	六三七
增輯	六三八
列女論次目錄	六四三
卷二十九・列女	六四五
考異	六五八
增輯	六五九
方伎論次目錄	六六四
卷三十・方伎	六六四
考異	六七四
增輯	六七五
異人論次目錄	六七七
卷三十一・異人	六七七
增輯	六七一
宦蹟論次目錄	六九四
卷三十二・宦蹟	六九五
考異	七〇五
增輯	七〇七

卷三十三·宦蹟……………七一〇

考異……………七二一

增輯……………七二二

卷三十四·宦蹟……………七二九

考異……………七四五

增輯……………七四七

遷寓論次目錄……………七五八

卷三十五·遷寓……………七五九

考異……………七七三

增輯……………七七四

卷三十六·遷寓……………七七八

考異……………七九三

增輯……………七九四

山水論次目錄……………七九七

卷三十七·山水……………七九八

考異……………八一—

增輯……………八一—

卷三十八·山水……………八一—

考異……………八二四

增輯……………八二七

卷三十九·山水……………八三五

考異……………八四五

增輯……………八四八

名祀論次目錄……………八五一

卷四十·名祀……………八五一

考異……………八六二

增輯……………八六四

外篇

列仙論次目錄……………八六九

外篇卷一·列仙……………八七〇

增輯……………八八一

名釋祖燈論次目錄……………八八五

外篇卷二·名釋……………八八六

增輯……………九〇一

外篇卷三·祖燈……………九〇三

外篇卷四·祖燈……………九一三

外篇卷五·祖燈……………九二五

附·周聖楷傳……………九三八

楚寶卷第十九

良史

左史倚相

左史倚相世為楚左史故以官稱倚相倚相延見申公子
亶子亶不出左史諷之舉伯以告子亶怒而出曰女無亦
謂我老耄而舍我而又諷我左史倚相曰唯子老耄故欲
見以交傲子若子方壯能經營百事倚相將奔走承序於
是不給而何暇得見昔衛武公年數九十有五矣猶箴傲
于國曰自卿以下至于師長士苟在朝者無謂我老耄而

楚寶

卷第十九

良史

一

舍我必恭恪于朝朝夕以交戒我聞一二之言必誦志而
納之以訓導我在與有旅賁之規位宁有官師之典倚几
有誦訓之諫居寢有警御之箴臨事有警史之導宴居有
師工之誦史不失書牒不失誦以訓御之於是乎作懿戒
以自傲也及其沒也謂之睿聖武公子實不睿聖于倚相
何害周書曰文王至于日中昃不遑暇食惠于小民惟正
之供文王猶不敢惰今子老楚國而欲自安也以禦數者
王將何為若常如此楚其難哉子亶曰老之過也乃驟見
左史司馬子期欲以其妾為內子訪之左史倚相曰吾有
妾而愿欲笄之其可乎對曰昔先大夫子囊違王之命諡



子夕嗜芟子木有羊饋而無芟薦君子曰違而道殺陽豎
愛子反之勞也而獻飲焉以斃于鄆辛尹申亥從靈王之
欲以隕于乾谿以二女殉葬君子曰從而逆君子之行欲其道
也故進退周旋唯道之從夫子木能違若敖之欲以道而
去芟薦吾子經楚國而欲薦芟以干之其可乎司馬子期
乃止

韓非說林曰荆伐陳吳救之軍聞三十里雨十日夜星
左史倚相謂子期曰雨十日甲輯而兵聚吳人必至不
如備之乃為陳陳未成也而吳人至見荆陳而反左史
曰吳反覆六十里其君子必休小人必食我行三十里

楚寶

卷第十九

良史

二

擊之必可敗也乃從之遂破吳軍
劉向說苑曰越破吳請師于楚以伐晉楚王與大夫皆
懼將許之左史倚相曰此恐吾攻已故示我不病請為
長轂千乘卒三萬與分吳地也莊王聽之遂取東國
聖楷曰吳救陳越破吳俱是楚惠王時事說苑作莊王
者誤也且惠四年楚子期伐陳吳延州來季子救陳謂
子期曰二君不務德而力爭請侯民何罪焉我請退以
為子名乃還未嘗有破吳之事惠十六年越滅吳惠四
十四年楚始東侵廣地至泗上所謂遂取東國者或當
是時也耶然是時司馬子期死白公之難已二十餘年

而左史倚相當靈王在乾谿時稱為良史計其年近百餘歲人矣猶能坐策兵機如此豈非楚國方城之重寶哉恐未盡然

鐸椒

鐸椒楚大夫威王時為太傅慮王不能盡觀春秋采取成敗四十章以獻名曰鐸氏徵

聖楷曰此鐸氏春秋或孔子既作之春秋也先是晉語云悼公與司馬侯升臺而樂因問德義對曰諸侯之為日在君側以其善行以其惡戒可謂德義矣公曰孰能對曰羊舌肸習于春秋乃使叔向傳太子彪又楚莊王

楚寶

卷第十九

良史

三

使士壘傅太子箴申叔時曰教之春秋而為之聳善而抑惡焉以戒勸其心唐韋昭注云春秋紀人事之善惡而日以天時謂之春秋周史之法也按此時孔子未作春秋而列國已有其書者當是周史所掌而列國奉之為勸戒耳然則孔子之作春秋不獨尊魯史之名而且因周官之舊故曰春秋天子之事也若非周史原有此書孔子即能竊取其義猶然魯之春秋耳何以行于列國而使亂臣賊子懼哉從來贖贖特為拈出以俟識者

習鑿齒

習鑿齒字彥威襄陽人也宗族富盛世為鄉豪鑿齒少有

志氣博學洽聞以文章著稱荊州刺史桓溫辟為從事江夏相袁喬深器之數稱其才于溫轉西曹主簿親遇隆密時溫有大志追蜀人知天文者至夜執手問國家祚運修短荅云世祀方永溫疑其難言乃飾辭云如君言豈獨吾福乃蒼生之幸然今日之語自可令盡必有小小厄運亦宜說之星人曰太微紫微文昌三宮氣候如此決無憂虞至五十年外不論耳溫不悅乃止異日送絹一疋錢五千文以與之星人乃馳詣鑿齒曰家在益州被命遠下今受旨自裁無由致其骸骨緣君仁厚乞為標碣棺木耳鑿齒問其故星人曰賜絹一疋令僕自裁惠錢五千以買棺耳

楚寶

卷第十九

良史

四

鑿齒曰君幾誤死君嘗聞于知星宿有不覆之義乎此以綉戲君以錢供道中資是聽君去耳星人大喜明便詣溫別溫問去意以鑿齒言荅溫笑曰鑿齒憂君誤死君定是誤活然徒三十年看儒書不如一詣習主簿累遷別駕溫出征伐鑿齒或從或守所在任職每處機要蒞事有績善尺牘論議溫甚器遇之時清談文章之士韓伯伏滔等並相友善後使至京師簡文亦雅重焉既還溫問相王何似荅曰生平所未見以此大忤溫旨左遷戶曹參軍時有桑門釋道安俊辨有高才自北至荊州與鑿齒初相見道安曰彌天釋道安鑿齒曰四海習鑿齒時人以為佳對初鑿

齒與其二舅羅崇羅友俱爲州從事及遷別駕以坐越舅右屢經陳請溫後激怒既盛乃超拔其二舅相繼爲襄陽都督出鑿齒爲榮陽太守溫弟秘亦有才氣素與鑿齒相親善鑿齒既罷郡歸與秘書曰吾以去五月三日來達襄陽觸目悲感略無懼情痛惻之事故非書言之所能具也每定省家舅從北門入西望隆中想臥龍之吟東眺白沙思鳳雛之聲北臨樊墟存鄧老之高南眷城邑懷羊公之風縱目檀溪念崔徐之友肆睇魚梁追二德之遠未嘗不徘徊移日惆悵極多撫乘躑躅慨爾而泣曰若乃魏武之所置酒孫堅之所隕斃裴社之故居繫王之舊宅遺事猶

楚寶

卷第十九

良史

五

存星列滿目瓊瑣常流碌碌凡士焉足以感其方寸哉夫芬芳起于椒蘭清響生乎琳瑯命世而作佐者必垂可大之餘風高尚而邁德者必有明勝之遺事若向八君子者千載猶使義想其爲人况相去之不遠乎彼一時也此一時也焉知今日之才不如疇辰百年之後吾與足下不並爲景升乎其風期俊邁如此是時溫覬覦非望鑿齒在郡若漢晉春秋以裁正之起漢光武終于晉愍帝于三國之時蜀以宗室爲正魏武雖受漢禪晉尙爲篡逆至文帝平蜀乃爲漢亡而晉始興焉引世祖諱炎興而爲禪受明天心不可以勢力強也凡五十四卷後以脚疾遂廢于里巷

及襄陽陷于符堅素聞其名與道安俱輿而致焉既見與語大悅之賜遺甚厚又以其蹇疾與諸鎮書昔晉氏平吳利在二陸今破漢南獲士裁一人有半耳俄以疾歸襄陽尋而襄鄧反正朝廷欲徵鑿齒使典國史會卒不果臨終上疏曰臣每謂皇晉宜越魏繼漢不應以魏後爲三恪而身微官卑無由上達懷抱愚情三十餘年今沈淪重疾性命難保遂常懷此當與之朽爛區區之情切所悼惜謹力疾著論一篇寫上如左願陛下考尋古義求經常之表超然遠覽不以臣微賤廢其所言論曰或問魏武帝功蓋中夏文帝受禪于漢而吾子謂漢終有晉豈實理乎且魏

楚寶

卷第十九

良史

六

之見廢晉道亦病晉之臣子寧可以聞此言哉荅曰此乃所以尊晉也但絕節赴曲非常耳所悲見殊心異雖奇莫察請爲子言焉昔漢氏失御九州殘隔三國乘閒鼎峙數世千戈日等流血百載雖各有偏平而其實亂也宣皇帝勢逼當年力制魏氏夔屈從時遂羈戎役晦明掩耀龍潛下位俛首重足鞠躬屏息道有不容之難躬蹈履霜之險可謂危矣魏武既亡大難獲免始南擒孟達東蕩海隅西抑勁蜀旋撫諸夏摧吳人入侵之鋒掃曹爽見忌之黨植靈根以跨中嶽樹羣才以翼子弟命世之志既恢非常之業亦固景文繼之靈武冠世尅伐取違以定厥庸席卷眾

益奄征西極功格皇天動倅古烈豐規顯赫故以灼如也
 至于武皇遂并疆吳混一宇宙又清四海同軌二漢除三
 國之大害靜漢末之交爭開九域之蒙晦定千載之盛功
 者皆司馬氏也而推魏繼漢以晉承魏比義唐虞自託純
 臣豈不惜哉今若以魏有代王之德則其道不足有靜亂
 之功則孫劉鼎立道不足則不可謂制當年當年不制于
 魏則魏未曾為天下之主王道不足于曹則曹未始為一
 日之王矣昔其工伯有九州秦政奄平區夏鞭撻華戎專
 總六合猶不見序于帝王淪沒于戰國何况暫制數州之
 人威行境內而已便可推為一代者乎若以晉當事魏懼

楚寶

卷第十九

良史

七

傷皇德拘惜禪名謂不可割則惑之甚者也何者隗囂據
 隴公孫帝蜀蜀隴之人雖服其殺取之大義于彼何有且
 吳楚僧號周室未亾于文延陵不見貶絕宣皇帝官魏逼
 于性命舉非擇木何虧德美禪代之義不同堯舜校實定
 名必彰于後人各有心事胡可掩定空虛之魏以屈于己
 孰若仗義而以貶魏哉夫命世之人正情遇物假之際會
 必兼義勇宣皇祖考立功于漢世雋爾勞思報亦深魏武
 超越志在傾主德不素積義險冰薄宣帝與之情將何重
 雖形屈當年意中百世降心全已憤慨于下非道服北面
 有純臣之節卑命曹氏忘濟世之功者也夫成業者係于

所為不係所藉立功者言其所濟不言所起是故漢高稟
 命于懷王劉氏乘斃于亾秦超二僞以遠嗣不論近而計
 功考五德于帝典不疑道于力政季無承楚之號漢有繼
 周之業取之既美而已德亦重故也凡天下事有可借喻
 于古以曉于今定之往昔而足為來證者當陽秋之時吳
 楚二國皆僭號之王也若使楚莊推郢郢以尊有德闔閭
 舉三江以奉命世命世之君有德之主或藉之以應天或
 撫之而光定彼必自係于周室不推吳楚以為代明矣况
 積勳累功靜亂寧衆數之所錄衆之所與不資于燕噲之
 授不賴于因藉之力長轡廟堂吳蜀兩斃運奇二紀而平

楚寶

卷第十九

良史

八

定天下服魏武之所不能臣蕩累葉之所不能除者哉自
 漢末鼎沸五六十一年吳魏犯順而強蜀人仗正而弱三家
 不能相一萬姓曠而無主夫有定天下之大功為天下之
 所推孰如見推于閭人受尊于微弱配天而為帝方駕于
 三代豈比俛首于曹氏側足于不正印情而恒實取之而
 無慚何與詭事而託偽開亂于將來者乎是故故舊之恩
 可封魏後三恪之數不宜見列以晉承漢功實顯然正名
 當事情體亦厭又何為虛尊不正之魏而虧我道于大通
 哉昔周人詠祖宗之德追述蕩商之功仲尼明大孝之道
 高稱配天之義然後稷勤于所職聿來未以翦商異于司

馬氏仕乎曹族三祖之寓于魏世矣且夫魏自君之道不正則三祖臣魏之義未盡義未盡故假塗以運高略道不正則君臣之節有殊然則夫道不以輔魏而無逆取之嫌高拱不勞汗馬而有靜亂之功者蓋勳足以王四海義可以登天位雖我德慚于有周而彼道異于殷商故也今子不疑其工之不得列于帝王不嫌漢之係周而不係秦何至于一魏猶疑滯而不化哉夫欲尊其君而不知推之于堯舜之道欲重其國而反屑之于不勝之地豈君子之高義若猶未悟請於是止矣子碎強才學有父風位至驃騎從事中郎

楚寶

卷第十九

良史

九

聖楷曰習彥威著漢晉春秋其書雖不傳其論則斷不可易且如后稷孫子未始謫商漢有天下不係于秦皆足破後儒之陋傳也蘇子瞻正統辨論謂聽其自得者十曰堯舜夏商周秦漢晉隋唐予其可得者六以存教曰魏梁後唐晉漢周其意亦未嘗不主習氏但其文字縱橫遊戲使人不覺耳故朱子修綱目卒取彥威之說蓋彥威意雖主尊晉猶不失春秋之大義蘇子意雖併黜魏晉而已全投紆暴之空名此又不可無辨也

鄧粲

鄧粲長沙人少以高潔著名與南陽劉麟之南郡劉尚公

同志友善並不應州郡辟命荆州刺史桓冲卑辭厚禮請粲爲別駕粲嘉其好賢乃起應召麟之尚公謂之曰鄉道廣學深衆所推懷忽然改節誠失所望粲笑荅曰足下可謂有志于隱而未知隱夫隱之爲道朝亦可隱市亦可隱隱初在我不在于物尚公等無以難之然粲于此名譽減半矣後思足疾不能朝拜求去職不聽令臥視事後以病篤乞骸骨許之粲以父壽有忠信言而世無知者乃著元明紀十篇注老子並行于世

聖楷按世說注所引鄧粲晉紀與續晉陽秋恒多雅致足補舊聞而晉書謂其祖述前史葺宇重軒之下施牀

楚寶

卷第十九

良史

十

連揚之上奇詞異義罕見稱焉者或亦過情之貶乎然卽其論隱亦具名通唐張謂長沙土風碑云賦鄧粲之宅足以表儒風吾不能無慨然矣

蔡允恭

蔡允恭江陵人父名天業仕後梁爲左氏尚書允恭美姿容工于詩仕隋爲起居舍人煬帝有所賦必令誦諷遣教宮人俾入宮改內史舍人允恭恥之由是疎斥所著有後梁春秋十卷

聖楷曰晉漢以前朝野俱重史學故紀年書事世有其人降自六朝唐宋聲律既興時文日盛學士家能舉前

代之年號者蓋亦寡矣况能探索四十一家之義例十
四萬卷之藏編乎尤恭史學雖不炳著然當亂世事淫
主獨能深懷宮嬪之恥續造先世之書其逸節傲傲視
柳耆諸人相去遠矣良史風規何多讓焉

路振

路振字子發永州祁陽人唐相巖之四世孫巖貶死嶺外
其孫琛避地湘潭聞遂居焉振父洵美事馬希果署連州
從事謝病終于家振幼穎悟五歲誦孝經論語十歲聽講
陰符裁百言而止洵美責之俾終其業振曰百言演道足
矣餘何必學洵美大奇之十二丁外艱母氏慮其廢業日

楚寶

卷第十九

良史

士

加誨激雖隆冬盛暑未使有懈淳化中舉進士太宗以詞
場之弊多事輕淺不能該貫古道因試卮言日出賦時疏
試者凡數百人咸睥眈念其所出振寒素遊京師所作賦
尤為典贍太宗甚嘉之擢實甲科釋褐大理評事通判邠
州徙徐州召還直史館復遣之任遷太子中允知濱州一
日契丹至城下兵少民相恐衆謂振文吏無戰禦方略環
聚而泣振乃親加撫諭且以敵盛不可與爭鋒宜堅壁自
守數日契丹引去轉運使劉綽稱其能詔書褒美常作祭
戰馬文敘云咸平中契丹犯高陽關執大將康保裔略河
朔天子幸魏特遣將王榮以五千騎追之榮無將才但能

馳射受命運邏伺賊渡河而後發有剽淄齊者數千騎尙
屯直沽榮不欲見敵遂以其騎略河南岸而還晝夜急騎
馬不秣而道斃者十有四五天子憫之遣使收瘞焉因作
祭文其辭曰房驕之精降為驪驎飲泉呀風流沙傲靈虎
脊孤聳龍媒驚鸞丹髦曉霞的頹秋星第方著幹宜乘旋
膺巉臚角起方背珠明爾其絕塞草荒八月隕霜毛縮蹄
堅筋舒脈張獸惡恐噬此犇欲驥噴沙散沫千里飛雪圍
人負朔武士索鐵前遮後突雷動地裂忽挽一而制百終
伏撻而受絀牧官劬劬歲入券書號墩疊疊通乎鬼區名
駒大駟銜尾入塞勞其酋長飾以祖僧蜀錦吳繪積如工

楚寶

卷第十九

良史

士

陵馬歸于我雖重幣入于彼則輕於是給黃金之羈浴天
池之波鼓鬣雲衢弄影星河或蹠而嚙或顛而吮原蠶申
禁駟駿何多帝念神物來經遠道閱之內殿養之外阜飲
以玉池秣之瑤草窮冬邊塵入我河瀆羽書青飛龍馭北
巡選仗下之名馬屬閩外之武臣弮戈電燭禁旅星陳授
以長策帥以全軍壯士怒兮山可擎猛馬哮兮虎可咋何
嚙嗜之無勇反遷延而避地冰霜淒淒介甲而馳不飲不
秣載渴載饑駿馬餒死行人蹉容委天骨于衢路反星精
于雲霧報主恩之無及齊戎力而何謀生芻致祭弊帷成
禮瘞而高岡全爾具體馬如有神知帝之仁又撰伐棘篇

辭曰秋風颺颺棘子丹折根破祗堅且頑巖夫越起汗汚
顏攢鋒束芒趨道還稔之森森繚長藩暮冬號風雪暗天
漏寒不鳴守犬眠主人堂上多金錢東陵暴客來窺垣舉
手觸鋒身墮顛千牙萬戟爭後先襟袖結裂不可指蹙破
指傷流血殷神離氣沮走騙蹙數尺之牆弗復攀索頭醜
奴搔河壩朔方屯師連七年木波馬嶺沙填填氣脈不絕
如喉咽官軍虎怒思吼軒強弩一發山河穿將不協謀空
卽安玩養小醜成兇顛推芻挽粟徒喧喧邊臣無心靜國
艱爲余諷此伐棘篇識者聞而壯之又以西兵未弭入判
大理寺改太常丞知河中府徙知鄧州代還判吏部南曹

楚寶

卷第十九

良史

三

三司至景德中使福建巡撫俄判登閣鼓院會修兩朝國
史以振爲編修官大中祥符初使契丹撰乘軺錄以獻改
太常博士左司諫擢知制誥振文詞溫麗屢奏賦頌爲名
輩所稱尤長于詩多警句及居文翰之職深愜物議自是
彌加精厲從祀譙臺時同職分局掌事振獨直行在專典
綸命幾奏填委應用無滯時推其敏贍七年同修起居注
張復崔遵度以書事候失降秩擇振與夏竦代之嗜酒得
疾有集二十卷嘗求五代末九國君臣行事作世家列傳
書未成卒錄其子倫爲太常奉禮郎

聖楷曰先達謂修史在于得人有學問文章而不知史

事不可與有學問文章知史事而心術不正不可與若
路振心術固無可議卽其學問文章史事唐宋以來湖
南文士未易及也伐棘篇可擬老杜桃竹諸作祭戰馬
文體識亦在六朝以上惜不得其乘軺錄讀之何正文
獻凋落之感按長沙志以振作湘潭人今從宋史

崔遵度

崔遵度字堅白江陵人七歲授經于叔父憲嘗以春秋編
年史漢紀傳之例問于憲憲曰此兒他日成令名矣太平
興國八年舉進士解褐和州主簿轉臨汾饋芻糧三抵殺
州涉無定河河沙與水混流無跡陷溺相繼遵度憫之著

楚寶

卷第十九

良史

四

銘以紀焉端拱初轉運副使夏侯濤上其勤狀召歸對便
殿因獻文自薦時新建祕閣命中書試作頌一首擢著作
佐郎淳化中吏部侍郎李至薦之遷殿中丞出知忠州李
順之亂坐失城池貶崇陽令移鹿邑咸平初復爲太子中
允景德初內出遵度名引對崇政殿詔索所著文召試舍
人院改太常丞直史館會修兩朝國史與路振並爲編修
官大中祥符元年命同修起居注東封進博士祀汾陰是
歲眞宗以兩省官絕少故因覃慶選補之命爲左司諫遵
度與物無競口不言是非淳澹清素勢利泊如也掌右史
十餘載立擢上常退匿楹閒慮上見之善鼓琴得其深趣

所僦舍甚湫隘有小閣手植竹數本朝退默坐其上彈琴獨酌翛然自適嘗著琴牋云世之言琴者必曰長二尺六寸象期之日十三徽象期之月居中者象閏前世未有辨者至唐協律郎劉琨以樂器配諸節候而謂琴為夏至之音至于泛聲卒無述者愚嘗病之因張弓附案泛其弦而十三徽聲具焉况琴瑟之絃乎是知非所謂象者蓋天地自然之節耳又豈止夏至之音而已夫易有太極是生兩儀兩儀者太極之位也四時者兩儀之節也律呂者四時之節也晝夜者律呂之節也刻漏者晝夜之節也節節相受自細至大而歲成焉節氣之自然者也氣既節矣聲同

楚寶

卷第十九

良史

五

則應既節且應則天地之交成矣文之義也或任形而著或假物而彰日星文乎上山川理乎下動物植物花者節者五色具矣斯任形者也至于人有五性而不著以事觀之然後著日有五色而不見以水觀之然後見氣有五音而不聞以絃攻之然後聞斯假物者也是故聖人不作易而能知自然之數不作琴而能作自然之節何則數本于一而成于三因而重之故易六畫而成卦及其應也一必于四二必于五三必于六焉節節相召其應也必矣卦既畫矣故畫琴焉始以一弦泛桐當其節則清然而號不當其節則泯然無聲豈人力也哉且徽有十三而居中者一

一中而左泛有三焉右泛有三焉其聲殺而已絃盡則聲滅及其應也一必于四二必于五三必于六焉節節相召其應也必矣易之畫也偶三為六三才之配具焉萬物由之而出雖曰六畫及其數也止三而已矣琴之畫也偶六而根于一一鐘者道之所生也在數為一在律為黃在音為宮在木為根在四體為心象徽由之而生雖曰十三及其節也三而已矣卦之德方經也著之德圓緯也故萬物不能逃其象徽其節經也絃五音緯也故眾音不能勝其文先儒謂八音以絲為君絲以琴為君愚謂琴以中徽為君盡矣夫徽十三者蓋可聞者也苟盡絃而考之乃有

楚寶

卷第十九

良史

六

二十三徽焉是一氣也文絃具之尺絃亦具之豈有長短大小之限哉蓋萬物本于天地天地本于太極太極至于萬物聖人本于道道本于自然自然至于無為樂本于琴琴本于中徽中徽至于無聲是作易者天地之象也作琴者天地之聲也往者藏音而未談來者專聲而忘理琴賤之作也庶乎近之苟其闕也請俟君子世稱其知言九年仁宗以壽春郡王開府詔宰相擇耆德有學術者咸謂遵度力學有士行稱長者遂命與張士遜並為王友改戶部員外郎賜服金紫府中文翰皆遵度所作國史成拜吏部員外郎歷禮部兼左諭德未幾命使契丹判司農卿遵度

性寡合喜讀易嘗云意有疑則彈琴辨其數筮易觀其象無不究也天禧四年八月卒年六十七官其子二人孫二人仁宗立詔贈工部侍郎有集二十卷

聖楷按范仲淹嘗問琴理遵度對曰清麗而靜和潤而遠琴盡是矣

無定河考

輿地廣記唐銀州東北有無定河卽圍水也後人因瀆沙急流淺深不定故更今名唐陳祐詩無定河邊暮笛聲赫連臺畔旅人情關歸路千餘里一夜秋風白髮生陳陶詩誓掃匈奴不顧身五千貂錦喪胡塵可憐無

楚寶

卷第十九 良史

七

定河邊骨猶是春閨夢裏人

歐陽元

歐陽元字原功其先家廬陵與文忠公修同所自出至曾大父新始遷居瀏陽故元爲瀏陽人幼岐嶷母李氏親授孝經論語小學諸書八歲能成誦始從鄉先生張貫之學日記數千言卽知屬文十歲有黃冠師注目視元謂貫之曰是兒神氣凝遠目光射人異日當以文章冠世廊廟之器也言訖而去亟追與語已失所之部使者行縣元以諸生見命賦梅花詩立成十首晚歸增至百首見者駭異年十四益從朱故老習爲詞章每試庠序輒占高等弱冠下

帷數年人莫見其面經史百家靡不研究伊洛諸儒源委

尤爲淹貫延祐元年詔設科取士元以尙書與貢明年賜進士出身授岳州路平江府同知調太平路兼湖縣尹縣多疑獄久不決元察其情皆爲平翻豪右不法虐其驅奴元斷之從良貢賦徵發及時民樂趨事教化大行飛蝗不入境改武岡縣尹縣控制溪洞蠻獠雜居撫字稍乖輒弄兵犯順元至踰月赤水大清兩洞聚衆攻殺官曹相顧失色計無從出元卽日單騎從二人徑抵其地諭之至則死傷滿道戰鬪未已獠人熱元各棄兵仗羅拜馬首曰我曹非不畏法緣訴某事于縣縣官不爲直反以緜役橫斂培

楚寶

卷第十九 良史

六

克之情有弗堪乃發憤就死耳元喻以禍福爲理其訟獠人遂安召爲國子博士陞國子監丞致和元年遷翰林待制兼國史院編修官時當兵興元領印攝院事日直內廷參決機務凡遠近調發制詔書檄以至改元天歷郊廟建后立儲肆赦之文皆經撰述復條時政數十事實封以開多推行之明年初置奎章閣學士院又置藝文監隸焉皆選清望官居之文宗親署元爲藝文少監奉詔纂修經世大典陞大監檢校書籍事元統元年改遷太常禮儀院事拜翰林直學士編修四朝實錄俄兼國子祭酒召赴中都議事陞侍講學士復兼國子祭酒重紀至元五年足患風

病乞南歸以便醫藥帝不允拜翰林學士未幾懇辭去位
 帝復不允免其行朝賀禮至正改元更張朝政事有不便
 者集議廷中元極言無隱科目之復沮者尤衆元力爭之
 未幾南歸復起為翰林學士以疾未行詔修遼金宋三史
 召為總裁官發凡舉例俾論撰者有所據依史官中有議
 論不公者元不以口舌爭俟其呈業援筆竄定之統系自
 正至于論贊表奏皆元屬筆五年帝以元歷任累朝且有
 修三史功諭旨丞相趙汝愚秩遂擬拜翰林學士承旨及
 入奏上稱快者再三已而乞致仕不允御史臺奏除福建
 廉訪使行次湖西疾復作乃休歸南山隱居優游山水閒

楚寶

卷第十九

良史

五

復拜翰林學士承旨元屢力辭不獲命奉勅定國律尋乞
 致仕陳情懇切乃特授湖廣行中書省右丞致仕賜白玉
 束帶給俸以終其身將行帝復降旨不允仍前翰林學士
 承旨進階光祿大夫十四年汝穎盜起蔓延南北州縣幾
 無完城元獻招捕之策千餘言鑿鑿可行當時不能用十
 七年春乞致仕不允時將大赦宣赴內府元久病不能步
 履丞相傳旨肩輿至延春閣下實異數也是歲十二月戊
 戌卒年八十五帝賜賻甚厚贈崇仁昭德推忠守正功臣
 大司徒柱國追封楚國公諡曰文元性度雍容含宏縝密
 處已儉約為政廉平歷官四十餘年在朝之日殆四之三

三任成均兩為祭酒六入翰林三拜承旨修實錄大典三
 史皆大制作屢主文衡兩知貢舉及讀老官凡宗廟朝廷
 雄文大冊播告萬方制誥多出元手金縉上尊之賜幾無
 虛歲海內名山大川釋老之宮王公貴人墓隧之碑得元
 文辭以為榮片言隻字流傳人間咸知寶重元無子以從
 子達為後復先元卒有圭齋文集若干卷傳于世

楚寶

卷第十九

良史

手

楊用修曰宋史表首稱相阿魯圖其實歐陽元之筆也
 其為卷六百萬言自有史冊以來未有若是多者
 也其自謂辭之煩簡以事文之今古以時蓋欲自成一
 代書而不強附昔人是也其可憾者有紀一事而先後
 不同一人而彼此不同由修之者非一手也愚觀自古
 文籍至宋而懣焉非憾乎人也所憾于上之人壞古修
 史之法也史始于尚書春秋大抵皆一人之筆尚書雖
 雜出然而紀一事自一篇自一人春秋則孔子特
 筆而門人一辭不能贊者矣春秋三傳各以其意釋經
 而其事傳焉若國語若世本若戰國策皆一家言自史
 記下十七代之書亦皆一人成之唐書雖文忠與景文
 共之然而卷帙互分兩美相合至元修宋遼金三史此
 法壞矣雖然豈始于宋哉後漢東觀大集羣儒著述無
 主條章靡立由是伯度譏其不實公理以為可焚張蔡